

Апостол 25.05.2024

**Б:** Мир всем.

**Я:** И духови твоему.

**Б:** Премудрость.

**Я:** Прокимен глас 6:

Спаси Господи люди Твоя, / и благослови достояние Твое.

**Хор:** Спаси Господи люди Твоя.....

**Я:** К Тебе Господи воззову, Боже мой, да не премолчиши от мене.

**Хор:** Спаси Господи люди Твоя.....

**Я:** ин Прокимен глас 1:

Уста́ моя возглаго́лют премудрость/ и поучение се́рдца моего́ ра́зум.

**Хор:** Уста́ моя возглаго́лют премудрость/ и поучение се́рдца моего́ ра́зум.

**Б:** Премудрость.

**Я:** Деяния святых Апостол чтение.

**Б:** Вонмем

**Во дни оны,** бысть Савл с сущими в Дамасце учениками дни некия, и абие на сонмищих проповедаше Иисуса, яко Сей есть Сын Божий. Дивляхуся же вси слышавшии и глаголаху: не сей ли есть гонивый во

Иерусалиме нарицающыя имя сие, и zde на сие прииде, да связаны тыя приведет ко архиереем? Савл же паче крепляшеся и смущаше Иудеи живущыя в Дамасце, препирая, яко Сей есть Христос. Якоже исполнишася дние доволни, совещаща Иудее убить его. Уведан же бысть Савлу совет их: стрежаху же врат день и ночь, яко да убьют его. Поемше же его ученицы нощию, свесиша по стене в кошнице. Пришед же Савл во Иерусалим, покушашеся прилепиться учеником, и вси бояхуся его, не верующе, яко есть ученик. Варнава же приемь его, приведе ко Апостолом и поведа им, како на пути виде Господа, и яко глагола ему, и како в Дамасце дерзаше о имени Иисусове. И бяше с ними входя и исходя во Иерусалим и дерзая о имени Господа Иисуса. Глаголаше же и стязашеся с Еллины: они же искаху убить его. Разумевше же братия, сведоша его в Кесарию и отпустиша его в Тарс. Церкви же по всей Иудеи и Галилеи и Самарии имеяху мир, созидающыя и ходящя в страхе Господни, и утешением Святаго Духа умножахуся.

\*(Деян 9:19Б–31, зач. 22)

**Братие,** таков нам подобаше Архиерей, преподобен, незлобив, безсквернен, отлучен от грешник и вышше Небес быв. Иже не имать по вся дни нужды, якоже первосвященницы, прежде о своих гресех жертвы приносить, потом же о людских: сие бо сотвори единою, Себе принес. Закон бо человеки поставляет

первосвященники, имущия немощь, слово же  
клятвенное, еже по законе, Сына во веки совершенна.  
Глава же о глаголемых: такова имамы  
Первосвященника, иже седе одесную Престола  
Величества на Небесех, святым служителю и скинии  
истинней, юже водрузи Господь, а не человек. \*(Евр  
7:26–8:2, зач. 318А)

**Б:** Мир ти.

**Я:** И духови твоему.

**Б:** Премудрость.

**Я:** Аллилуиа глас 8

**Я:** Благоволил еси Господи землю Твою, возвратил  
еси плен Иаковль.

**Хор:** Аллилуиа 3 раза

**Я:** Милость и истина сретостеся, правда и мир  
облобызастеся.

**Хор:** Аллилуиа 3 раза

**Я:** Уста праведнаго поучатся премудрости, и язык его  
возглаголет суд.

**Хор:** Аллилуиа 3 раза